



STATEN VAN ARUBA

Presidente di Parlamento di Aruba
Sr. mr. E.G.A. Vrolijk
L.G. Smith Blvd. 72
Aruba

Oranjestad, 5 di november 2021

Apreciado Sr. Presidente,

Pa medio di e carta aki suscrito kier a pidi Sr. Presidente dirigi e siguiente x13 preguntanan pa Ministro di Deporte, sr. Endy Croes. Suscrito ta desea di haya contesta por escrito riba su preguntanan. Gradiciendo di antemano pa su amabel cooperacion suscrito ta keda,

Atentamente,

Miguel J. Mansur
Lider di Fraccion ACCION 21





**STATEN VAN ARUBA
LIDER DI FRACCION ACCION 21
SR. MIGUEL J. MANSUR**

05 november 2021

Preguntanan por escrito di miembro di Parlamento, Sr. Miguel J. Mansur, na Ministro di Enseñasa y Deporte sr. Endy Croes, conforme articulo III.17 di Staatsregeling y conforme articulo 59 di Reglement van Orde van de Staten van Aruba.

Por a tuma nota den prensa di nombracion di cinco miembronan specifico pa e Hunta di Supervision di Lotto pa Deporte. Mirando e importancia cu Gabinete Wever-Croes II ta pone na integridad como un “algemeen regeringsbeleid” y e transparencia necesario den e cuadro aki suscrito kier a haci e siguiente preguntanan al respecto.

1. Ministro por a facilita Parlamento e informacion con a yega na escohenca/con a evalua pa nombra e cinco miembronan especificonan pa e Hunta di Supervision di Lotto pa Deporte?
2. Ministro por informa si a haci un justitiele antecedentenonderzoek ariba e personanan nombra den e Hunta di Supervision di Lotto pa Deporte? Si e contesta ta negativo, Ministro por splica Parlamento dicon esaki no a wordo hasi? Si e contesta ta positivo, por haya inzage di e resultadonan?
3. Ministro por informa Parlamento si e miembronan a pasa door di un evaluacion psicologico y si tur e candidatonan cu a solicita a pasa door di un test di aptitud? Si e contesta ta negativo, Ministro por splica Parlamento dicon esaki no a sosode? Si e contesta ta positivo, por haya inzage di e resultadonan?
4. Ministro por informa Parlamento si e miembronan specifico di e Hunta di Supervision di Lotto pa Deporte lo eherce e funcion fulltime, of part time?
5. Ministro por informa cuanto ora di trabao e funcionnan cada un ta rekeri y tambe kiko lo ta e vergoeding pa cada un di e miembronan di e Hunta di Supervision?
6. Ministro ta na altura y por confirma si e presidente nobo di Lotto pa Deporte, sr. ir. Robert M. Maduro, ta un ex-parlamentario di partido MEP y tambe un ambtenaar activo como hefe di afdeling Toezicht Controle en Handhaving den Directie Infrastructuur en Planning (DIP) y tambe chairman di Stichting Monumentenfonds. Ministro por informa Parlamento si esaki ta permisibel pa tur ambtenaarnan den dienst activo? Ministro por informa Parlamento si e persona aki ta ricibi compensacion pa e cargonan aki, y si esaki ta cay bao di nevenarbeid?
7. Ministro ta altante cu e persona aki awor lo tin multiple entrada?
8. Ministro ta di opinion cu, mirando e responsabilidnan cu cada un di e funcionnan ta trece cu nan, e lo ta haalbaar pa un persona eherce multiple funcionnan aki na mes momento?
9. Ministro por informa si e ambtenaar(nan) nombra den e Hunta di Supervision di Lotto pa Deporte tin permiso formal (via procedura di DRH) pa haci e nevenactiviteiten den fundacionan mientras ta eherce trabou di ambtenaar? Si e contesta ta negativo, Ministro por splica Parlamento dicon no a adkiri esaki? Si e

contesta ta positivo, por haya inzage di e decretonan ministerial di cada un nevenactiviteit?

10. Apenas 5 luna pasa, dia 21 di juni 2021 a ser publica den media cu “HUSTICIA A BOLBE DRENTA DIP CONFISCA COMPUTER Y DOCUMENTO”.


<https://24ora.com/husticia-a-bolbe-drenta-dip-confisca-computer-y-documento/>

E articulo ta menciona cu: “tin un investigacion nobo andando. A drenta DIP... RST y Landsrecherche a drenta y confisca mas cu un computer. Ta papia di computer di tres empleado di DIP. Un di nan ta di inicialnan R.M.” Ministro ta altante cu e persona di inicial, R.M. cu ta ser menciona den e articulo ta e mesun persona cu a wordo nombra como presidente di Lotto pa Deporte?

11. Ministro por informa Parlamento con a para cu e investigacion aki?
12. Ministro por informa Parlamento si e nombracion di sr. ir. Robert M. Maduro como presidente di Lotto pa Deporte no por wordo cualifica como “Friends & Family” cu tanto pueblo tin keho riba dj’e? Y si Ministro no ta kere cu e e nombracion por wordo cualifica como “Friends & Family” dicon no?
13. Den cuadro di integridad, Ministro ta di opinion cu e nombracion di sr. ir. Robert M. Maduro como presidente di Lotto pa Deporte, mientras cu tin e investigacion menciona andando, ta un nombracion conforme e exigencianan di integridad?

Suscrito ta desea di hanja contesta por escrito riba tur su preguntanan.

Atentamente,



Miguel J. Mansur
Lider di Fraccion ACCION 21